



PHATLALATSO

EA

**MOHLOMPHEHI TONA-KHOLO, DR. MOEKETSI
MAJORO, MP**

**MALEBANA LE BOEMO BA KOKOANA-HLOKO EA
COVID19 KAHARE HO NAHA EA LESOTHO.**

**LA 26 'MESA, 2021
MASERU.**

**Motlotlehi Letsie III;
Mookameli oa Ntlo ea Mahosana;
Motsamaisi oa lipuisano ka Ntlong ea Bakhethoa,
Moahloli e Moholo;
Mookameli oa Lekhotla la Maipiletso;
Mohlomphehi Motlatsi oa Tonakholo;
Litho tsa lekhotla la matona;
Mongoli e moholo oa 'Muso
Sechaba sa Basotho.**

SELELEKELA

Ke hooa malume Sechaba Sa Thesele ka hare le kante ho naha. Ke boela ke hlaha ho lona mantsibueng a kajeno ka mora **nako e fetang khoeli** joale ke ile ka le beha leseling ka boemo ba Kokoana-hloko ea Covid-19.

Puong eaka ka la 21 Tlhakubele monongoaha, ke ile ka bontša hore naha e ntse e tobane le mosebetsi o matla oa ho fokotsa sekhahla sa tšoaetso ea Covid-19, 'me le kajeno ke sa ntse ke pheta mantsoe ao, hore ntoa khahlanong le seoa sena ha re eso e hlole.

BOEMO BA NAHA BA TŠOAETSO LE MEHATO EA TAOLO

Basotho ba heso,

Letla hopola hore pele ho phomolo ea Paseka, naha e ile ea tloha ho 'maleng o **pherese** ea theohela ho o **moputsoa**, e le ha sekhahla sa tšoaetso se ne se bonahala se theohile haholo.

Matsatsing ana ho bonahala **sekhahla sa tšoaetso se ntse se le tlase haholo**, 'me Naha e le boemong bo **laolehang** ha joale. **Palo ea bakuli** ba hlokanang kalafo le eona e theohile haholo, 'me e imolotse litsi tsa bophelo. **Lenane la bakuli** lipetleleng kajeno ha le fete **hlano**. Ka mokhoa o tšoanang mafu a neng a tlalehoa e le a Covid-19, le ona a fokotsehile haholo.

Katleho ena ke e fa lona Sechaba sa Basotho. Ke lona ka ho ipaballa le hlotseng kholumo-lumo ena, 'me ke le leboha ho menahane ka boitelo boo le bo bontšitseng nakong ena e thata. Ke boetse ke lakatsa ho leboha Basotho ba habo rona ba South Africa ka ho sekehela tsebe khoehelletso ea 'muso ea ho se tle hae ka bongata nakong ea Paseka.

Sechaba sa heso,

Ka mabaka ana ke phatlalatsa kajeno hore Lekhotla la Matona le nkile qeto ea ho nyehlisisa metsamao le litšebeliso tse neng li ntse li koaletsoe, **re ntse re le hona 'maleng ona o moputsoa**. Linyehlisiso tsena li tla kena tšebetsong ho qala ka khitla ea Laboraro la 28 `Mesa 2021.

Linyehliso tsena li kenyeletsa metsamao le litšebeliso ka lipehelo tse latelang; 'me ke qotsa tse fokolang lekhetheng lena:

- Ho khinoa hoa motsamao oa ho ea South Africa le linaheng tse ling ho ea felisoa. Baeti ba tla lebelloa ho hlahisa bopaki ba litlhahlobo.
- Liboka tsa lipolotiki li tla lumelloa, empa ka manane a notluoeng; ebe lihora tse sa feteng **boraro**; *le hore ho sebe le tai*;
- Lipitso le tsona li lumelletsoe, empa ho lebelletsoe batho ba sa feteng makholo a mahlano; *le hore ho se be le tai*;
- Lipapali: Babohi ba lipapali batlo lumelloa hoesa mabaleng moo ho lebeletsoeng babohi ba sa feteng 2,500 moo ho bulehileng lipapaling tsa Premier League le A Division, le ba 1,500 bakeng sa lipapali tsa mekhahlelo eka tlaase. *Tai hae ea lumelloa lipapaling, e bile ke boikarabello ba lihlopha ho netefatsa hore batho bohle ba hlahlojoa mocheso leho nyanyatsoa haba kena mabaleng*;
- Libaka tsa ho ikoetlisa (Gyms) li tlo lumelloa ho amohela batho basa feteng linoko tse mashome a mararo lekholong, thepa e sebelisoang libakeng tsena e futheloe nako eohle, ho boeloe ho hlahlojoe batho mocheso leho roala limonkoana.

KENTELO EA COVID-19

Chaba sa heso

Ka la leshome Tlhakubele, re thakhotše letšolo la kentelo mane Sepetleleng sa Scott, Morija moo Batlotlehi le Khosatsana Senate ba ileng ba li hula nthau. Lebitsong la 'muso le Basotho, re leboba lelapa la Botlotlehi ka mosebetsi oo.

Ho fihlella haa-joale, ke basebetsi ba bophelo ba **likete tse mashome a mabeli** ba seng ba fumane li-ente naha bophara, 'me haa-joale ho ntse ho entoa bakuli ba mafu a sa phekoleheng, le baphatlalatsi ba litaba.

Re lebeletse li-ente tse likete le lekholo ho tsoa Covax facility qalong ea motšeanong. Ho sa le joalo re kentse kopo ea liente tse etsang milione tsa Johnson and Johnson Africa CDC (Selekane sa Linaha tse Africa), 'me re lebeletsoe hore likhoeling tsena tse tlang karolo e 'ngoe e tla fihloa koano Lesotho.

Ke phethele ka ho bontša hore litlhakisetso tse batsi ho feta mona, li tla fanoa ke matona a Makala a amehang le liofisiri tsa NACOSEC boesa, empa Sechaba sa heso ke boela ke le hopotsa hore ntoa khahlanong le seoa sena retla e hlola ha rele `moho, ka hona bolokang melao e behuoeng ka nako eohle.

Khotso!

Pula!

Nala!